



**Senin, 04 Juli 2022**

*Ogen: Jakup 4:13-15*



**"Erpersukuten Man Tuhan"**



**G**una ngisi libur anak sekolah, i bas piga-piga wari e, min lit perarihen i bas jabu erbahan waktu bersama (family time) guna kiniersadan keluarga. Sabap rutinitas teptep wari banci erbahansa kurang perjumpaan ras anak jabu. Kebersamaan keluarga cukup penting mpeturah keleng ate, ras nggit erbagi. I bas kebersamaan e pe kita banci nuri-nuri kerna perbahanen Tuhan si mbelin ku tengah-tengah jabunta. Si e tole banci nambahi kiniteken jabunta e man Dibata si mada kegeluhenta. Erkiteken si e perlu si pakeken kesempatan si lit alu mehuli. Rikutken teks renungenta wari enda, ipersingeti kita lako erbahan perencanaan. Nentuken wari si pas man bapa, nande ras anak-anak banci jumpa ras-ras dingin menikmati kebersamaan alu meriah ukur. Amin bage gia, tetap erpersukuten man Dibata. Enda me sura-sra Dibata nandangi kegeluhen manusia. Sabap, megati manusia lanai nginget Tuhan i bas erbahan perencanaan ras i bas ndalanken sura-surana. Erpersukuten man Dibata ertina erpenungkunen man Dibata kerna kai si man bahanen. Ngikutken kata ras sura-sura Dibata. Jabu si ipanteki Dibata min ersada arih, ersada bas sura-sura e me ndalanken si ngena ate Dibata. E me jadi perayaken kerina anak jabunta. Si jadikan Dibata inganta mindo, Dibata me inganta erpenungkun, Dibata me inganta nuri-nuri ras Dibata me inganta erpengendes guna ndatken bagi sura-suraNa. Amin gia kai pe sidatken arah ulih kegeluhenta e, nggo ngasup kita ngalokenca. E maka wari enda, pesalang pusuhta, pesalang dahinta, pesalang ekonomi jabunta, aturken waktu guna erdalan ras anak jabu, di la gia ku ingan-ingan si mewah, lit wahana meriah, ndahi kade-kade ras sangkep nggeluh pe, ku kuta mama ras mami, bibi ras bengkila, e pe situhuna jadi pengajaren man anak-anak kerna ersangkep nggeluh. Kebersamaan ras keluarganta.